

¡BOMBA!


Pelear siempre es incierto,
mas entre ires y venires
la guerra ha descubierto
a verdaderos emires



K'untzil

Miércoles 25 de junio de 2025

CAMPECHE · YUCATÁN · QUINTANA ROO · AÑO 10 · NÚMERO 2506 · www.lajornadamaya.mx



Mola'ayo'ob beetik kúuchilo'obe' ku ch'a'ako'ob ya'abach ja' tumen ku ch'a'abal ti'ob: Conagua

Julio Gutiérrez / p 23
Oochel Raúl Angulo

Ka'alikil yaan kaajo'ob ichil u noj lu'umil México tu'ux ku máan tak 40 k'iino'ob mina'an ja'e, jala'ache' ts'o'ok u yilik yaan páajtalil meyaj, wa concesiones, ts'a'aban ti'al u yúuchul jóoya'abe' ba'ale' u jaajile' ku meyaj ti'al yantal ja' ti' mola'ayo'ob liik'sik najo'ob wa kúuchilo'ob, wa ku k'a'abéetkuns'al ti'al u láaj ch'a'abal ja' yéetel u ka' konto'ob ti' pipas te'el kaajo'ob tu'ux maas jach táaj k'a'abéet, tu ya'alaj Mauricio Rodríguez Alonso, máax

beetik u subdirectoril Comisión Nacional del Agua (Conagua).

Yóok'olal le je'ela, mola'aye' táan u xak'altik maanal medio millón u p'éel ju'uno'ob u ts'a'amaj ti'al u béeytal meyaj, ti'al u je'elsa'al ba'ax ma' no'oja'an u yúuchul walkila, yéetel ti'al u ts'aatáanta'al u yantal ja' ti' wiinik, je'ex unaje, ka'alikil xan u beeta'al Plan Nacional Hídrico, tumen tu noj lu'umil México' "ma' keet u t'o'oxol ja', yaan tu'uxe' mina'an mix u jach p'iit ja' ti'al ba'alo'ob k'a'abéet".

"Yaan najo'ob tu'ux ku máan tak 40 k'iino'ob xma' ja'ili, kaajo'ob tu'ux ku ch'a'abal ja', ku ta'akal ts'o'oke' lelo' ku xáantal ja'abo'ob. Sáasil yanik to'on ja'e' jach k'a'anan ti'al u béeytal u yantal náajal te'el lu'uma'", tu ya'alaj Rodríguez Alonso úuchik u táakpajal tu múuch'il Tercera cumbre de sostenibilidad y desarrollo económico beeta'an tumen BBVA.

Tu winalil abril, yéetel cifras ch'a'ab Unesco, BBVA tu ts'áaj

k'ajóoltbil tu noj lu'umil México' ya'ab chí'ichnakil ku yu'uba'al yóok'olal ja', tumen maas ya'ab ja' ku k'a'abéetkuns'al ti' le beyka'aj yaano'.

Le martes máanika, máax beetik u subdirectoril Conagua' tu ya'alaj u 76 por ciento ja' yaan México' ku k'a'abéetkuns'al ti'al u meyajta'al lu'um; u 15 por cientoile' ti'al noj kaajo'ob, ka'alikil industria yéetel ti'al u beeta'al u yantal energíae' ku chíikbesik u 9 por cientoil.